

Áttunda Ársþing KÖRFUKNATTLEIKSSAMBANDS ÍSLANDS  
var haldið laugardaginn 9. nóvember 1968 að Hótel Loftleiðum  
og hófst þingið kl. 15:15.

---

Þetta gerðist:

Þingsetning:

Formaður KÍ, Bogi Þorsteinsson, setti þingið með nokkrum ávarpsorðum. Bauð hann þingfulltrúa velkomna, svo og gesti þingsins, Gísli Halldórsson, forseta ÍSÍ og Hermann Guðmundsson, fræmkvæmdastjóra ÍSÍ.

Kosnir starfsmenn þingsins:

Að tillögu formanns KÍ, var Hermann Guðmundsson einróma kjörinn þingforseti, og tók hann þegar við stjórn þess.

Þingritarar voru kosnir Magnús Björnsson og Gunnar Gunnarsson.

Kosning fastra þingnefnda:

Kjörbrefanefnd: Magnús Sigurðsson  
Helgi Ágústsson  
Sigurður E. Gíslason.

Fjárhagsnefnd: Gunnar Petersen  
Kolbeinn Pálsson  
Hörður Tulinius.

Frestað var kosningu í aðrar fastanefndir, unz séu yrði síðar á þinginu, hvort þeirra yrði þörf.

Skýrsla fráfarandi stjórnar:

Formaður KÍ, Bogi Þorsteinsson, flutti skýrslu stjórnarinnar. Var henni dreyft fjölritaðri á þinginu og vísað til hennar.

Í lok skýrslu sinnar ræddi formaður nokkuð um vandamál körfuknattleiksins, eins og þau nú blöstu við. Fjárhagsörðuleikar væru ætíð fjötur um fót, þjálfara og dómarskortur alvarlegt óhyggjuefni. Svo virtist sem stöðnun hefði orðið í þróun körfuknattleiksins í Reykjavík, og væri brýn þörf á aukinni starfsemi til eflingar íþróttarinnar í borginni.

Formaður skýrði frá því að ákveðið hefði verið að Íslandsmótið færi fram í Íþróttahúsi Seltjarnarness, en það hús er nýreist, og hentugt fyrir körfuknattleik, en riðið hefði baggamuninn að húsaleiga væri mikið ódýrari þar heldur en í Íþróttahöllinni. KKÍ væri ofviða að greiða þá háu leigu, sem þar væri krafizt.

Að lokum þakkaði formaður meðstjórnarmönnum sínum fyrir gott og árangursríkt samstarf á liðnu starfsári. Sérstaklega þakkaði hann þeim Gunnari Petersen og Þránni Scheving fyrir mikil og heilladrjúg störf fyrir KKÍ, en þeir gæfu nú ekki kost á sér til endurkjörs.

#### Skýrsla gjaldkera:

Í forföllum gjaldkera, Þráns Scheving, sem var utanþæjar, las Helgi Sigurðsson reikninga sambandsins. Sýndu þeir rekstrarafgang í fyrsta skipti í sögu sambandsins.

Reikningarnir voru endurskoðaðir, og voru þeir ásamt skýrslu stjórnarinnar samþykktir einróma.

#### Skýrsla kjörbréfanefndar:

Kjörbréfanefnd hafði starfað á meðan skýrsla stjórnar var flutt og skilaði hún nú álitinu sínu. Magnús Sigurðsson hafði orð fyrir nefndinni.

Borizt höfðu kjörbréf frá 4 aðilum, og voru mættir 17 fulltrúar. Skipting fulltrúa var þannig:

Íþróttabandalag Akureyrar	2	fulltrúar
Héraðssambandið Skarphéðinn	3	"
Íþróttabandalag Suðurnesja	4	"
Körfuknattleiksráð R.víkur	8	"

Kjörbréf reyndust í lagi, og lagði kjörbréfanefnd til að þau yrðu samþykkt. Var svo gert samhljóða.

#### Fjárhagsáætlun:

Helgi Sigurðsson las fjárhagsáætlun fyrir næsta starfsár. Var henni einróma vísað til fjárhagsnefndar.

Ávarp forseta ÍSÍ:

Gísli Halldórsson, forseti ÍSÍ, kvaddi sér hljóðs og flutti þinginu kveðjur og árnaðaróskir framkvæmdanefndar ÍSÍ. Þakkaði hann stjórn KKI fyrir mikil störf og góða samvinnu við ÍSÍ. Forseti flutti formanni KKI, Boga Þorsteinssyni, sérstakar þakkir fyrir hans framlag til eflingar Körfuknattleiksíþróttarinnar.

Forseti kvað sér áhyggjuefni að heyra, að stöðnun væri í körfuknattleik í höfuðborginni. Kvaðst hann fyrir hönd framkvæmdastjórnar ÍSÍ vilja bjóða aðstoð sína til úrbóta. Tók forseti fram að hann vildi stuðla að því við Íþróttanefnd Reykjavíkur, að fjölgað yrði körfum á útisvæðum í borginni.

Að lokum bar Gísli Halldórsson fram óskir um að gæfa og gengi fylgdi körfuknattleiksíþróttinni í framtíðinni.

Tillögur:

Lögðar voru fram nokkrar tillögur, sem öllum var vísað til nefnda, og er vikið að þeim síðar í þinggerðinni.

Kom nú í ljós, að allar þingnefndir myndu fá verkefni og var kosið í eftirfarandi nefndir:

Laga- og leikreglanefnd: Ingi Gunnarsson  
Guðmundur Þorsteinsson  
Gunnar Gunnarsson

Allsherjarnefnd: Kolbeinn Pálsson  
Kristinn Stefánsson  
Helgi Ágústsson.

Kaffihlé,

Í kaffihlé kvaddi forseti ÍSÍ, Gísli Halldórsson sér hljóðs og skýrði frá rekstri Íþróttahallarinnar í Laugardal vegna framkominnar gagnrýni á hárrí húsaleigu. Kvað hann mis- skilning, sem fram hefði komið hjá einum þingfulltrúa, að gróða- sjónarmið ríkti í ákvörðun um húsaleigu. Húsið væri alls ekki rekið með hagnaði. Rekstrarkostnaður væri mikill, áætlað væri að reksturinn næsta ár myndi kosta um 8 milljónir króna. Auk þess þyrfti að afla 4 milljóna til áframhaldandi byggingar- framkvæmda, en margt væri ógert til þess að ljúka við húsið. Forseti kvað í athugun, hvort unt yrði að lækka húsaleiguna, og komi til greina að færa leiguna úr kr. 5000 fyrir leikkvöld í kr. 4000.

Gunnar Gunnarsson gagnrýndi gerð hússins, og taldi að óröttlátt væri að íþróttamönnum væri gert að greiða útlit hússins, sem væri miklu dýrara vegna byggingarlags og útlita, heldur en ætla mætti um íþróttahús almennt.

Gísli Halldórsson kvæð misstillning að íþróttirnar greiddu nokkurn byggingarkostnað, þeim væri aðeins ætlað að taka þátt í rekstri hússins. Gísli tók fram, að of lítil fjárhæð kæmi frá ríkinu til reksturins, að sínu álit.

Gunnar Petersen heiðraður:

Bogi Þorsteinsson kvæddi sér hljóðs. Skýrði hann frá því, að fráfaraandi stjórn vildi heiðra Gunnar Petersen, sem nú hyrfi úr stjórninni, fyrir mikil og heilladrjúg störf fyrir sambandið, en hann hefði setið í stjórn þess í mörg ár. Hann hefði jafnframt gegnt þar ábyrgðarstörfum, m. a. verið gjaldkeri, sem ekki væri öfundsvert starf hjá fjárvæna sambandi.

Afhenti formaður síðan Gunnari gullmerki KKÍ, og stökk því í barm hans, en þingheimur fagnaði með lófataki.

Álit nefnda:

Mörgum tillögum hafði verið vísað til fastanefnda þingsins, Höfðu nefndirnar starfað í kaffihléi, og skiluðu álitum strax að því loknu.

Fjárhagsnefnd hafði fjallað um fjárhagsáætlun KKÍ, svo og tillögu frá útbreiðslunefnd KKÍ um ráðningu framkvæmdastjóra KKÍ. Gunnar Petersen hafði orð fyrir nefndinni. Lagði hún til að fjárhagsáætlun yrði samþykkt óbreytt. Var svo gert samhljóða.

Fjárhagsnefnd lagði til að við tillögu útbreiðslunefndar þettist: -Framkvæmdastjóri verði ráðinn, svo fremi stjórn KKÍ finni hæfan mann: Var tillagan samþykkt samhljóða með viðbótinni, og hljóðar svo:

"Árþing KKÍ, haldið 9. nóv. 1968, telur rétt að stjórn sambandsins ráði til sín framkvæmdastjóra, er annist og framkvæmi ákvarðanir aðalstjórnar og fastanefnda".

Laga- og leikreglnanefnd hafði fjallað um eina tillögu, frá fráfaraendi stjórn um bikarkeppni KKÍ. Urðu nokkrar umræður um tillöguna og um bikarkeppnina, en hún hafði fallið niður í ár. Skýrði Bogi Þorsteinsson frá ástæðum til þess. Kvað hann keppninni hafa verið frestað í vor vegna Landsmóts UMFÍ, en öllum aðilum, sem vanta mátti að tækju þátt hefði verið sent bréf, og þeir beðnir að láta í ljós tillögur sínar um fyrir- komulag. Svo hefði brugðið við, að enginn aðili svaraði bréfi þessu, hver svo sem ástæðan væri.

Tillagan var síðan samþykkt óbreytt, svohljóðandi:

"Ársmóting KKÍ, haldið 9. nóv. 1968, samþykkir að felja næstu stjórn KKÍ að skipa 3ja manna nefnd, er geri tillögur um breytingar á reglugerð um bikarkeppni Körfuknattleikssambands Íslands.

Nefndin athugi m.a. hvort tiltækt sé, að stofna til meistarakeppni félaga innan landsfjórðunga.

Nefndin skal skila álitum og tillögum eigi síðar en í lok janúar 1969".

Allsherjarnefnd hafði fjallað um þrjár tillögur. Lagði nefndin til að þær yrðu allar samþykktar, en gerði tillögu um viðbót við tillögu útbreiðslunefndar KKÍ um Minibasket. Voru tillögurnar allar samþykktar samhljóða í búiðingi nefndarinnar.

- 1) "Ársmóting KKÍ, haldið 9. nóv. 1968, beinir þeim tilmælum til fræðslumálastjórnar, að hún heimili þeim íþróttafélögum, sem iðka "Minibasket" (þ.e. körfuknattleikur fyrir börn) afnot af leikfímíssölum barnaskólanna í landinu, þar sem óhægt er um vik, að iðka þessa íþrótt í þeim íþróttahúsum, sem félögin hafa til afnota."
- 2) "Ársmóting KKÍ 1968 felur stjórn sambandsins að skipa unglíngalandsliðsnefnd, og feli henni að velja 20 unglínga til æfinga fyrir væntanlegt Norðurlandamót, sem haldið verður í Svíþjóð á næsta ári. Jafnframt verði ráðinn unglíngalandsliðsþjálfari, og æfingar hafnar hið fyrsta.

- 3) "Árspaning KKÍ 1968 felur stjórn sambandsins að mynda þriggja manna blaðafulltrúanefnd, sem skal sjá um að merki körfuknattleiksins verði haldið á lofti að staðaldri í dagblöðunum, útvarpi og sjónvarpi. Skál nefndin sjá svo um, að ætíð sé hjá hverju dagblaði í Reykjavík og ef til vill víðar, fréttaritari, sem hefur nægilega þekkingu og áhuga á körfuknattleik, til þess að skrifa um hann, að dómi nefndarinnar. Jafnframt skal nefndin annast öll störf blaðafulltrúa, svo sem verið hefur".

Tillögur 2) og 3) voru bornar upp og þeim fylgt úr hlaði af Guðmundi Þorsteinssyni.

Aðrar tillögur:

Formaður KKÍ lagði fram eftirfarandi tillögu, sem samþykkt var samhljóða:

"8. árspaning KKÍ samþykkir, að þátttökugjöld í Íslandsmóti 1969 verði hin sömu og síðastliðið ár, eða sem hér segir:

Meistarafll, karla	)	kr. 1.000,00
Meistarafll, kvenna	)	
1. og 2. fl. karla	)	kr. 250,00
3. og 4. fl. karla	)	
2. fl. kvenna	)	kr. 100,00

Gjöldin greiðist í upphafi mótsins".

Fulltrúar ÍBA lögðu fram eftirfarandi tillögur, sem báðar voru samþykktar einróma:

"Það er trú okkar norðanmanna, að með því að halda Íslandsmót í körfuknattleik kvenna í 2. flokki á Akureyri, megi gera það hallalaust. Við gerum það því að tillögu okkar, að Íslandsmót í 2. fl. kvenna fari næst fram á Akureyri."

"Við gerum það að tillögu okkar, að komið verði á Norðurlöndsríðli í 3. fl. karla á komandi Íslandsmóti. Við teljum áhuga það mikinn á Akureyri fyrir yngri flokkana, að til greina komi 4-6 lið."

Hörður Tulinius,  
Jón Friðriksson.

Kosningar:

Kjósa átti aðalmann í stað Þóris Guðmundssonar í körfuknattleiksdómstól. Kosinn var Tómas Zoega. Varamaður í stað Guðmundar Þorsteinssonar var kosinn Ingi Gunnarsson.

Körfuknattleiksdómstóll KKÍ er þá þannig skipaður:

Aðalmenn:	Tómas Zoega	til 3 ára
	Gunnar Gunnarsson	- 2 ára
	Einar Oddsson	- 1 árs
Varamenn:	Ingi Gunnarsson	til 3 ára
	Jón Otti Ólafsson	- 1 árs

Þá fór fram kosning stjórnar KKÍ fyrir næsta starfsár. Bogi Þorsteinsson var einróma endurkosinn með dýnjendri lófataki.

Aðrir í stjórn: Magnús Björnsson, Helgi Sigurðsson, Jón Eysteinnsson, Magnús Sigurðsson, Hólmsteinn Sigurðsson og Guðmundur Þorsteinsson.

Varamenn í stjórn: Þorsteinn Hallgrímsson, Gunnar Gunnarsson Hörður Tulinius.

Endurskoðendur: Gunnar Torfason og Þórir Guðmundsson, endurkosnir. Til vara: Helgi V. Jónsson.

Var nú komið að þingslitum. Kvæddi margendurkjörinn formaður, Bogi Þorsteinsson sér hljóðs.

Þakkaði hann þingheimi það traust, sem honum væri sýnt enn einu sinni. Kvæðst hann hafa látið í ljósi þá skoðun sína, að hann myndi ekki gefa kost á sér í þetta sinn, en svo mjög hefðu menn lagt að honum að gefa kost á sér áfram, að runnið hefðu á hann tvær grímur. En ráðið hefði úrslitum, að fyrirlíði landsliðsins, Kolbeinn Pálsson, hefði í lok Polar Cup fært sér forkunnar fagræn blómvönd, og skorað á hann í nafni landsliðsins og allra körfuknattleiksmanna að gefa kost á sér. Slíku trausti kvæðst Bogi ekki treysta sér til að bregðast.

Bogi kvæðst treysta því, að sá samstarfsvilji og dugnaður körfuknattleiksmanna lamennt, sem sýnt hefði sig við undirbúning og framkvæmd Polar Cup mundi lifa áfram, og hann hefði í huga að beita sér fyrir því, að dreyfa meira en áður störfum sambandsins á fleiri hendur. Bogi þakkaði þingfulltrúum komuna og þingforseta skörulega fundarstjórn.

Þingforseti þakkaði þingheimi þingsetu, árnaði nýkjörinni stjórn heilla og körfuknattleiknum gæfu og gengis. Utanbæjar-  
mönnum óskaði hann góðrar heimferðar, og sleit síðan 8. ársþingi KKÍ kl. 18:15,

Gunnar Gunnarsson (sign)

Magnús Björnsson (sign)